

König of Bedelmann?

Anfang Juni hett Engelland de Minsken to 't Drömen brocht: Queen Elizabeth II harr hör 70ste Jubiläum as Königin. Dat het noch kieneen vör hör schafft un maakt hör so gau ok nüms na. Dit besünner Ereignis muss daarom ok daarna fiert worden. Veer Dagen stunn dat Königriek Kopp. Eenmaal Prinzessin of Königin to wesen, dat wünsken sük völ Wichter: Man steiht överall in d' Middelpunkt. Man word umsörgt, scharmantjet, elke Wünsk word een van den Ogen oflesen. Elk höört een to. Dat, wat man seggt, word ernst nohmen. Wat vör een Vörstellung! Man dat blifft woll för de meeste Minsken blot en moje Drööm.

Daarbi mussen wi uns doch all elke Dag as König of Königin föhlen, denn de Kunn is doch König. Dit Prinzip geiht up de Koopmann Harry Gordon Selfridge torügg. 1909 mook he in London en Koophuus open. För hum stunn dat, wat de Kunn will, an d' eerste Stee. Wenn man dat schafft, de Kunn to begeistern, dann grippt he ok ge-



Insa Schindler gehört zu dem Team, das für die OZ plattdeutsche Kolumnen schreibt.

ern in sien Knippke. Dit Prinzip, dat noch oller as Queen Elizabeth is un lang in de Hannelswelt hoch hollen wurr, is – net as de Monarchie – in Dütskland unnergahn.

De Kunn is vandage blot noch en Bedelmann. In Verkoopsladens söcht man Mitarbeiters, de de Kunn beraden, faken umstünst. Meest besteiht de Upgaav an dat slecht betahlte Personaal blot noch darin, achter de Kunn up-torümen. Kien Wunner, wenn daarbi de Luun nich besünners good is un de Kunn to weten kriggt, dat he stöört.

Ok en Energieversörger ut uns Kuntrei duukt sük vör sien Kunnen weg. Ofs-lagen för Strom un Gas wurren Enn lest Jahr bi mien Ollen neei berekent un van 't Konto oftruken. En Ofreken för dat lest Jahr?

Fehlanzeig! Ok wenn man inbetrockt, dat allens düürder word, kann de Betrag nich stimmen.

Man wo nimmt man Kuntakt to dat Unnernehmen up? Well helpt een bi Problemen, de sük nich einfach över de FAQs lösen laten? In en Chat mit en Computer-Assistent hebb ik schreven: „Ik bruuk Hülp van en Minsk, de mit mi proten kann!“ Man daarup kann de Computer kien Antwoord geven. De Ofreken fehlt bit vandage... Man wat will man maken? Up Strom un Gas bünd wi anwesen. Ik betwiefel, dat de Service bi anner Versörger beteter is. Nich betahlen? Dann fluttert de Kuckuck gauer um 't Huus, as man denkt. Also drömen wi wieder van olle Märkens.

KOLUMNE

Moin, Moin
Schrievers Sprak
allerbest moje
Pläseer hoop
Smüstern **Verteilsel**

Platt maakt